

續纂揚州府志

第一冊

卷一

河渠

卷二

河渠

同治十三年前浙江巡撫郡人吳端方等纂

計廿六卷八本一函

4.2626
共計

地220.101

158

計12.128

同治十三年刊

續纂揚州府志

續纂揚州府志序

同治戊辰之秋濬頤奉

天子命量移兩淮度嶺而北於臘月抵吾皖謁署巡撫竹莊吳公告以將設局修安徽通志屬舉同里之有史材者預其選濬頤離鄉久重以烽烟之後文獻無存不敢強不知以爲知也曰鮮可舉者迨明年春至揚州吳公復致書相詢仍以空函報之蓋深慮所舉之弗得其人也揚州三陷於賊濬頤甫下車卽求府志讀之則自嘉慶十五年重修距今將六十年紀載闕如而舊志板片自遭寇亂間有散失竊思府志之修較易於通志矧維揚續纂揚州府志

序

一

爲東南大都會鉅公長德代有聞人通儒才士比肩接踵而起我

朝雍正十一年重修府志董其役者爲博陵尹都轉會一嘉慶間則爲鹽政長白阿克當阿公濬頤承乏是邦固有徵文考獻之責適晏彤甫憲副卞頌臣撫部家居爰謀之兩先生於十年八月開局續纂適錢楞仙少司成來主講安定書院因請三先生總其成而遴選好學能文者或司分纂或司采訪或司校對或司收掌校刊且白諸大府局中膏火剗削之費取給於揚州善後釐捐其舊志之闕佚者先爲補刊完善然後以次蒐輯編定

舊志二十八門新志則約之爲十九門三先生朝夕手鉛槧矻矻從事於斯凡厯三稔甫得成書若干卷晏錢兩先生旣爲之序所以發明體例區別門類者亦詳且盡已濬頤自愧簿書繁冗碌碌靡暇不能濡半管墨從三先生後而猶幸於兵燹之餘亟亟焉網羅舊聞修舉廢墜竟獲樂觀厥成也顧吾皖通志荏苒數載尙未蒞事足見一省之難於一郡是非余避難而就易也若無三先生予烏得尸其功哉予故書於簡端以著三先生之功而諸君子之助三先生成書者則尤以魏司馬大縉爲最云

同治十有三年冬十有一月

賜進士出身翰林院編修資政大夫布政使銜兩淮都轉鹽運使定遠方濬頤撰

續纂揚州府志序

吾郡志書可考者始於明之嘉靖自此歷經增修而最後者爲嘉慶十五年重修之本閱今六十餘年矣中間郡城三陷文獻散亡於是都轉方公有重修之議而同郡諸君子以端書有識塗之智屬定稿焉竊惟世之修志者率取前人已成之書引繩批根紛更辨駁而於續採事迹則徒爲標榜而不覈實斯固操觚者之通弊也欲矯是弊毋言重修請爲續纂可乎爰於同治十年八月開局取各屬志書較之蓋成書之先後不齊體例各殊而大旨近於允蔓志所不載不能不求於公牘而歧

與複者不免焉公牘所不詳不能不出於採訪而歧與複者滋甚焉兵燹之後闕軼固不待言卽所得者亦復契勘刪併耗日力於瑣屑之務宜乎成書之不能速矣原書爲門二十八今續纂者十九門餘則闕之緬惟平昔鈞遊之地事蹟多得其髣髴卽故交之著錄者亦復不少固不敢臆撰以補闕佚尤不欲溢美以滋浮文凡茲悉心編輯庶幾文簡事覈以無失桑梓敬恭之義而未知其合焉否也取方原志誠不逮其淹貫苟儕於不賢識小之列後之修志者或將有取於此爾書閱三年脫稿陸續付梓同預總纂者爲錢楞仙司成卞頌臣中

丞分纂者若干人魏笏棠司馬本司供支以其能文俾之襄編纂之務兼及校刊所謂從事獨賢者例得附書同治十三年冬十一月

賜進士出身翰林院編修榮祿大夫前都察院左副都御史浙江巡撫署理兩廣總督郡人晏端書序

續纂揚州府志

職名

監纂

欽加布政使司銜兩淮都轉鹽運使司鹽運使方濬頤

安徽定遠縣人

監修

揚州府

知府

英傑

滿洲鑲黃旗人

總纂

前都察院左副都御史浙江巡撫晏端書

儀徵縣人

前國子監司

業錢振倫

浙江歸安縣人

前福建巡

撫卞寶第

儀徵縣人

分纂

續纂揚州府志

職名

一

候選教諭歲貢

生金長福

高郵州人

增貢

生李祖望

江都縣人

戶部主

事陳浩恩

甘泉縣人

舉

人芮曾麟

江都縣人

舉

人梅毓

江都縣人

生

員劉恭冕

寶應縣人

生

員劉貴曾

儀徵縣人

分校

刑部主

事丁紹憲

江都縣人

戶部主

事董對廷

高郵州人

內閣中

書厲祥官
儀徵縣人

舉人凌兆熊
安徽定遠縣人

廩貢生王殿森
寶應縣人

候選訓導劉驥雲
寶應縣人

候選訓導張錫組
儀徵縣人

生員丁至和
江都縣人

生員汪鋈
儀徵縣人

候選訓導黃紹芬
安徽全椒縣人

附貢生劉瑤
寶應縣人

採訪

續纂揚州府志
職名
二

前太湖縣教諭黃元培
儀徵縣人

候補兩淮鹽課大使韓師成
河南內黃縣人

舉人趙深培
江都縣人

內閣中書王維翰
泰州人

生員鄭國珩
興化縣人

增生朱昺元
寶應縣人

舉人陳克劬
丹徒縣人

候選訓導金堉
高郵州人

副貢生王鑒
儀徵縣人

生員趙德璽
甘泉縣人

膳寫

廩

貢

生張載岳

儀徵縣人

生

員法承瀚

丹徒縣人

生

員時忠榮

江甯縣人

增

生馬成春

儀徵縣人

生

員劉玉璞

寶應縣人

生

員李慎儀

丹徒縣人

監刻

揚

州

府

教

授施震福

常熟縣人

揚

州

府

訓

導吳琪

清河縣人

續纂揚州府志

職名

三

江

都

縣

教

諭陳履泰

婁縣人

甘

泉

縣

訓

導趙書禾

丹徒縣人

收掌兼監刻

兩淮鹽運司廣盈庫大使童丙榮

順天大興縣人

供支

前署

甘

泉

縣

知縣馮譽騏

廣東高要縣人

供支兼纂校

候補兩淮鹽課大使魏大縉

浙江仁和县人

續纂揚州府志目錄

一卷一

河渠一

卷二

河渠二 津梁附

二卷三

城池

公署

學校

卷四

賦役

鹽法

兵志

卷五

續纂揚州府志

目錄

一

祠祀

冢墓

寺觀

古蹟

卷六

秩官

三卷七

選舉

卷八

宦蹟

卷九

人物一

卷十

人物二 忠義

四 卷十一

人物三 忠義

卷十二

人物四 孝友

卷十三

人物五 文苑

五 卷十四

人物六 篤行

卷十五

續纂揚州府志

目錄

一一

人物七 流寓

卷十六

人物八 術藝

卷十七

人物九 節孝

六 卷十八

人物十 節孝

卷十九

人物十一 節孝

七 卷二十

人物十二節孝

卷二十一

人物十三節孝

八卷二十二

藝文一書目

卷二十三

藝文二詩文

金石

卷二十四

事略附祥異

雜志

續纂揚州府志卷之一

河渠志上

前志係據南河成案纂至乾隆五十六年止今據南河成案續編接纂自乾隆五十七年至道光十三年止餘則檔案難稽亦姑闕焉

高宗純皇帝乾隆五十七年五月瓜洲城外迴瀾壩迤下江岸

於十八日裂縫坍塌浸至城根將四十一年收進之士城坍塌十四丈總督書麟總河蘭第錫等奏請將迴瀾壩卸卸工尾暨南門外灘嘴處所用料裹護並將土城讓進五六十丈照舊補還城垣

命軍機大臣傳諭曰瓜洲城外江灘因江流北徙衝刷灘崖坍塌及土城該督等以城內西南隅並無居民現在坍塌之處後

續纂揚州府志

卷之一

河渠上

一

身尚有隙地擬讓進五六十丈照舊補還土城亦止可如此辦理但該處城垣於四十一年業經收進五六十丈此次又復讓進若不另籌挑護之法則江流衝刷靡常難保不再行塌進豈有屢將城垣向內收進之理因閱圖內現做裹頭處所自屬頂衝何不於該處接靠壩根建築石磯挑溜向東南下趨俾瓜洲城外灘岸不致衝刷塌卸城垣可資保護已於圖內用硃筆圈誌但此一帶係柴壩江流甚深溜勢湍急若於壩根接做石磯是否可能生根鞏固以資挑護之處著該督等詳細校勘據實具奏復奏查瓜洲江岸坍塌處所西首新做裹頭本係迴瀾舊壩該處江流甚深溜勢湍急若

做石磯根底必致外游不能存立且該處爲漕船經由要道若磯嘴挺出水激浪湧澎湃流挽拽亦多未便查江岸工程原有下填碎石上加護埽之法現在迴瀾壩外試探尙有碎石可見擁護壩根似屬有益今擬於裏頭之外

硃筆指示之處拋填碎石護住埽根可以藉資挑護自裏頭至埽卸舊城處所共長七十三丈靠崖緯道之外一律拋填碎石再於上面鑲做護埽以禦風浪可期溜勢漸遠城垣得以保護仰副

聖主慎重江防保衛民生至意

續揚州府志

卷之一

河渠上

二

硃批如議行五十九年七月書麟蘭第錫等奏寶應高郵一帶臨河磚石工掣卸七百四十五丈旋搜護穩固

仁宗睿皇帝嘉慶元年七月蘭第錫奏六月二十五日余家莊地方水漫隄頂由清江浦下注寶應之白馬湖已飭令趕緊堵閉以免旁溢久渰之患四年四月總河康基田鹽政徵瑞等奏揚州府儀徵縣境內臨江運口上承淮水下接江潮爲淮南鹽運及漕船經由要道向設通濟羅泗攔潮響水四閘啟閉節宣甚關緊要今通濟羅泗二閘金門及雁翅燕尾上下裹頭均屬塌卸閘底關石等椿亦已朽爛萬年枋並皆碎損急應照舊估修以濟

鹽漕運行現批運司發銀興修報

聞五年閏四月總督費淳總河吳敬奏高寶下游之金灣六閘及廖家溝石羊溝人字河苾稻河等處係宣洩湖水歸江去路最關緊要現將各支河淤淺處所逐一估挑深通以備大汛時暢消洪澤湖盛漲報

聞九年八月總督陳大文總河吳敬等奏本年洪澤湖水甚爲浩瀚先後酌啟山盱信義兩壩七月初五日仁智二壩亦掣通過水由高寶諸湖泛漲入運七月二十日以前臣等察看運河水勢雖大尙堪容納且下河農田將屆成熟刈穫是以高郵之南關車邏等壩堅守未啟至二

續纂揚州府志

卷之一

河渠上

三

十三四日兩晝夜西北大風揚河廳屬永安汛之清水潭蔡家堰小二堡張家溝九里鋪等處揚糧廳屬江甘汛之周家溝蔡家潭夏家直等處或水潑隄頂或隄坡蟄塌當經幫搶加高趕鑲護埽防風幸俱保護無虞溯查運河水勢以乾隆五十一年爲最大長至一丈三尺七寸曾將南關車邏等四壩全啟今本年河水已長至一丈六尺九寸較五十一年尙大三尺二寸其勢斷難容納而下河早稻中稻業已刈穫晚禾亦將收割且各壩下本有各支河可以循軌入海是以於七月二十八九八月初一等日循照舊制將南關車邏等五壩內酌

啟三壩並飛飭將下河范公隄沿海各閘全行啟放俾河水暢注歸海以免壅遏漫淹現據下河各州縣稟報南關車邏等壩分洩之水由各支河汊蕩循軌歸海並未出槽漫淹秋禾仍得有收惟高郵附近壩下間有被淹窪地而田禾亦已收割過半勘不成災現飭該地方官確查酌辦不使一夫失所

諭曰本年洪湖及運河水勢疊長該督等將各隄工加高趕鑲並將南關等五壩及山盱五滾壩酌量啟放以資減洩其高郵附近壩下低窪地畝間有被淹雖據稱勘不成災仍當再加確勘如有應行施恩之處卽據實奏請勿稍諱飾十月陳

大文吳璥等奏以揚河廳屬運河西岸卽係寶應白馬汜光高郵寶社等湖臨湖一面係砌築磚石工以爲捍禦本年洪澤湖異漲山盱各壩減洩之水歸入高寶諸湖湖河連成一片隄工浸泡水中坍塌較多磚石後土隄亦皆汕刷殘缺均應補築完固請乘時趕緊興修十年三月總督鐵保奏洪澤湖水勢自交桃汛日見增長高堰誌椿現存水一丈一尺九寸溯查歷年伏汛淮水長發時洪澤湖長水總在八九尺上下以現在尺寸計算將來恐難容納現將金灣六閘內人字河芒稻閘淤墊處所督令趕緊挑挖深通並將石羊溝廖家溝董家

溝歸江各支河挑切淤灘以順其勢預將邵伯諸湖之水暢爲宣洩騰空湖面以爲伏秋容納地步

硃批先事預防最爲切要五月總督鐵保總河徐端等奏五壩下游洩水歸江之芒稻閘人字河於五月初一日啟放過水據報上游金灣六閘一帶卽日落水尺餘惟緣江潮頂托減洩究未能大暢而高寶諸湖存水本大加以三四月間日見增長揚河廳屬水勢盈隄拍岸五月初二三等日風雨猛驟高郵城北之九里東隄及杭家嘴等處隄工間有滲水坐蟄經該廳營等漏夜搶辦得以保護完固惟車邏壩封土爲浪汕掣查該壩本係宣洩續纂揚州府志

卷之一

河渠上

五

盛漲之路定制水勢長至一丈零三寸卽應啟放現在河水已長至一丈二尺二寸計已逾誌一尺九寸壩下引河深暢當卽飭令趁勢啟放以資宣洩其水由苻絲等湖下達丁溪草堰閘歸海皆有舊軌可循尙無泛漲之患其餘南關五里昭關等各壩仍嚴飭加緊防守俾下河各湖蕩皆容納有地無虞漲滿並飭該地方官查明沿河窪地有無淹漫據實辦理報

聞是月又奏自高郵至揚州一帶江湖旺大水勢頂托前啟車邏一壩尙不足以資分減查上年秋汎時啟放三壩下游尙資容納此時應將南關大壩啟放擬於日內再將